



2 September 2015
2 September 2015
P.U. (A) 203

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PENCEGAHAN KEGANASAN (TATACARA LEMBAGA PENASIHAT) 2015

PREVENTION OF TERRORISM (ADVISORY BOARD PROCEDURE) REGULATIONS 2015



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PENCEGAHAN KEGANASAN 2015

PERATURAN-PERATURAN PENCEGAHAN KEGANASAN
(TATACARA LEMBAGA PENASIHAT) 2015

SUSUNAN PERATURAN-PERATURAN

Peraturan

1. Nama
2. Tafsiran
3. Tatacara bagi membuat representasi
4. Bentuk representasi
5. Pendengaran representasi
6. Notis untuk mengemukakan orang tahanan
7. Prosiding hendaklah secara tertutup
8. Pengundian
9. Lembaga Penasihat boleh memanggil saksi
10. Tatacara jika tiada peruntukan yang nyata
11. Penzahiran maklumat
12. Laporan Lembaga Penasihat
13. Anggota Lembaga Penasihat disifatkan sebagai penjawat awam

JADUAL

AKTA PENCEGAHAN KEGANASAN 2015

PERATURAN-PERATURAN PENCEGAHAN KEGANASAN
(TATACARA LEMBAGA PENASIHAT) 2015

PADA menjalankan kuasa yang diberikan oleh subseksyen 13(9) dan seksyen 34 Akta Pencegahan Keganasan 2015 [*Akta 769*], Menteri membuat peraturan-peraturan yang berikut:

Nama

1. Peraturan-peraturan ini bolehlah dinamakan **Peraturan-Peraturan Pencegahan Keganasan (Tatacara Lembaga Penasihat) 2015**.

Tafsiran

2. Dalam Peraturan-Peraturan ini, melainkan jika konteksnya menghendaki makna yang lain—

“Lembaga Penasihat” ertinya suatu Lembaga Penasihat yang ditubuhkan di bawah Fasal (2) Perkara 151 Perlembagaan Persekutuan;

“orang tahanan” ertinya seseorang yang ditahan menurut suatu perintah tahanan yang dibuat oleh Lembaga di bawah subseksyen 13(1) Akta;

“Pegawai Penjaga”, berhubung dengan suatu tempat tahanan, ertinya pegawai (dengan apa jua nama jawatan dia diperihalkan) yang menjaga tempat tahanan itu;

“Pengerusi” ertinya seseorang yang dilantik menjadi Pengerusi suatu Lembaga Penasihat di bawah Fasal (2) Perkara 151 Perlembagaan Persekutuan;

“perintah tahanan” ertinya suatu perintah yang dibuat oleh Lembaga bagi menahan seseorang di bawah subseksyen 13(1) Akta;

“Setiausaha” ertinya orang yang melaksanakan kewajipan setiausaha kepada Lembaga Penasihat;

“tempat tahanan”, berhubung dengan seseorang orang tahanan, ertinya suatu tempat tahanan yang diarahkan oleh Lembaga di bawah subseksyen 13(2) Akta sebagai suatu tempat tahanan yang di dalamnya orang itu hendaklah ditahan.

Tatacara bagi membuat representasi

3. (1) Apabila mana-mana orang tahanan dibawa ke suatu tempat tahanan menurut suatu perintah tahanan, Pegawai Penjaga hendaklah memberitahu orang tahanan itu dengan seberapa segera yang praktik selepas ketibaannya, haknya untuk membuat representasi terhadap perintah tahanan itu dalam tempoh masa dan dengan mengikut cara yang diperuntukkan dalam Peraturan-Peraturan ini.

(2) Apabila Pegawai Penjaga memberitahu seseorang orang tahanan haknya untuk membuat representasi, Pegawai Penjaga hendaklah memberikan kepada orang tahanan itu tiga salinan Borang 1 Jadual.

(3) Orang tahanan hendaklah, jika dia berhasrat untuk membuat representasi, mengisi tiga salinan Borang 1 dalam tempoh empat belas hari selepas tarikh ketibaannya di tempat tahanan untuk membolehkan Pegawai Penjaga menghantar sesalinan Borang 1 itu kepada Setiausaha.

(4) Jika seseorang orang tahanan gagal mengisi Borang 1 dalam tempoh empat belas hari selepas tarikh ketibaannya di tempat tahanan, Pegawai Penjaga hendaklah mendapatkan pengesahan bertulis daripada orang tahanan itu bahawa dia tidak berhasrat untuk membuat apa-apa representasi terhadap perintah tahanannya dan Pegawai Penjaga hendaklah menghantar pengesahan bertulis itu kepada Setiausaha.

(5) Pegawai Penjaga hendaklah menghantar apa-apa representasi bertulis yang diterimanya daripada orang tahanan kepada Setiausaha, sama ada atau tidak representasi bertulis itu dibuat dalam tempoh yang disebut dalam subperaturan (3).

(6) Jika apa-apa representasi bertulis yang diterima oleh Setiausaha tidak dihantar oleh Pegawai Penjaga sebaik selepas tamat tempoh yang disebut dalam subperaturan (3), representasi bertulis itu hendaklah disifatkan dibuat di luar masa melainkan jika Setiausaha berpuas hati bahawa kelewatan itu bukan disebabkan oleh kesalahan orang tahanan yang membuat representasi itu tetapi disebabkan oleh keadaan yang di luar kawalannya.

(7) Jika seseorang orang tahanan enggan menerima Borang 1 yang diberikan oleh Pegawai Penjaga di bawah subperaturan (1) atau menolak untuk mengesahkan secara bertulis bahawa dia tidak berhasrat untuk membuat apa-apa representasi terhadap perintah tahananannya, Pegawai Penjaga hendaklah, secara bertulis memberitahu Setiausaha dengan sewajarnya.

Bentuk representasi

4. (1) Apa-apa representasi terhadap sesuatu perintah tahanan hendaklah dibuat secara bertulis.

(2) Alasan bantahan terhadap perintah tahanan atau sebab mengapa penahanan patut dihentikan hendaklah diberikan dalam Borang 1 dan jika ruang dalam Borang 1 tidak mencukupi alasan atau sebab itu boleh ditulis di atas helaian kertas yang berasingan yang hendaklah dikepikan sebagai suatu lampiran kepada Borang 1.

(3) Seseorang orang tahanan hendaklah menyatakan dalam Borang 1 sama ada dia bercadang untuk hadir secara sendiri atau bersama dengan peguam belanya atau dengan diwakili oleh peguam belanya, di hadapan Lembaga Penasihat.

Pendengaran representasi

5. (1) Apabila apa-apa representasi diterima oleh Setiausaha, Pengerusi hendaklah menetapkan suatu masa dan tempat bagi pendengaran representasi itu oleh Lembaga Penasihat dan hendaklah menyebabkan suatu notis dalam Borang 2 Jadual diserahkan kepada orang tahanan.